



Sabtu, 16 Juli 2022
Ogen: Esekiel 45:1-6



"Isorapken Sada Bagin Man Tuhan"



Bagin kegeluhen manusia nggo isikapken Dibata. Tapi megati manusia lanai nginget si jadi bagin Dibata. Kai si nggo jadi sekerajangen manusia kerina ianggap nggo jadi bagin manusia. Bage nge kita? Enda banci ikataken merangap. Manusia terkadang lupa maka kai si jadi baginna e rehna arah Dibata nari. Esekiel megiken kai siikataken Dibata man bana, tupung taneh negeri e ibagi-bagikan man suku-suku tetap harus iserapken si jadi bagin Dibata. Enda me tandana kita tetap ngergaken Dibata si mada kegeluhenta.

Kata merangap siitujuken man manusia nandaken maka kegeluhen manusia e la erbias-bias lalap. Manusia si nggit nerapken si jadi sekerajangen Dibata tetap iinget Dibata kerna kai siibahanna e. Me nggit kita mereken si jadi bagin Dibata arah kai si enggo leben sialoken i bas ia nari? Tupung kita nerapken si jadi bagin Dibata, i je pe kita erlajar kerna ketaaten ras kesetiaan man Dibata. Perbahanenta man Dibata e iperhitungken jadisada kebujuren. Pernah nge kita mere man Dibata i bas krina si lit bas kita e? pernah nge ngkira kai si jadi baginta segelah si eteh uga buena mere man Dibata? Sada bagin e pasti iperhitungken Dibata. Mari siinget laguta bas KEE 451: 'Malerlah pasu-pasuNdu' mereken kata persinget man banta tuhu mbelin pasu-pasu Dibata sindemi geluhta. Bagi lau si maler, bage me pasu-pasu Dibata nandangi kalak si nginget Dibata. E maka arah perenungenta wari enda, mari si inget kerna pemere Dibata man banta segelah tetap siinget ngataken bujur man baNa. Ula kataken kai nggo ibere Dibata banta, tapi ingetlah lalap kai si enggo sibereken man Dibata i bas kerina perbahanen Dibata nandangi kegeluhenta enda. Erlajar kita guna tetap jadi bagin arah kerina perbahanen Dibata. Bagin man Tuhan, e me bagin simehagaNa guna sipersembahkan man baNa.